



Rimnada sistemica da dretg communal dalla vischnaunca da Sagogn

Nummera **350.01.01**

Tetel **Uorden da susteniment d'affons**

Ediziun Revisiun dils 10.12.2012
Ediziun dils 27.11.2006

Valeivel 01.01.2013

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 10.03.2024 tras Thomas Candrian

Cuntegn

I. Intent	3
II. Contribuziun	3
III. Determinaziuns finalas	4

I. Intent

Intent

Art. 1

¹ Quei uorden reglescha la contribuziun per affons e giuvenils dalla vischnaunca da Sagogn che fan part regularmein ad uniuns che scoleschan, promovon e sustegnan lur commembers el sector da sport e cultura.¹

² La contribuziun finanziaria duei gidar e sustener las uniuns da sport e cultura che s'engaschan en favur dils affons.

³ Quei uorden sebase sin ina interpellaziun dalla radunonza communal dils 26 da november 2004, tractanda 4.

II. Contribuziun

Dretg da contribuziun

Art. 2

¹ Affons e giuvenils denter 5 e 16 onns (onn digl anniversari) cun dimora (scartiras) ella vischnaunca da Sagogn han il dretg da far diever da quella contribuziun per "lur" uniun.

Intschess cumpigliau

Art. 3

¹ Ad uniuns ch'ein activas denter e cun² las vischnauncas da Glion e Flem e che corrispundan allas pretensiuns digl artechel 1 e 2 da quei uorden, astga la vischnaunca rembursar annualmein ina contribuziun el num digl affon.

Contribuziun annuala

Art. 4

¹ La contribuziun munta a frs. 50.00 per onn, uniun³ ed affon ni giuvenil.

² Il sustegn vegn sil pli bia pagaus ora a treis uniuns pro affon.⁴

¹ *Cudischaziun sin conto 350.364*

² Aschuntau tenor conclus dalla suprastonza communal dils 10.12.2012

³ Aschuntau tenor conclus dalla suprastonza communal dils 10.12.2012

⁴ Aschuntau tenor conclus dalla suprastonza communal dils 10.12.2012

Annunzia per in
susteniment

Art. 5

¹ Mintga uniun ch'ei autorisada tenor art. 1-3 e giavischa ina contribuziun, sa far valer il susteniment tochen ils 30 d'october digi onn current alla canzlia communal da Sagogn.

² L'annunzia ha da cuntener:

Uniun / num / prenum / datum da naschientscha / adressa.

³ Alla damonda ei d'allegar in cedel da pagament.

Pagaments

Art. 6

¹ La vischnaunca paga la contribuziun mo all'uniun. Ei vegn buc pagau ora direct ad in affon.

III. Determinaziuns finalas

Vigur

Art. 7

¹ Quei uorden ei vegnius relaschus dalla suprastonza communal dils 27 da november 2006 e va en vigur igl 1. da schaner ~~2007~~ 2013⁵.

Ediu tras			
Acceptau tras	suprastonza	ils	10.12.2012
Controllau tras			
Publicaziun ufficala dalla vischnaunca da Sagogn.			

⁵ Aschuntau tenor conclus dalla suprastonza communal dils 10.12.2012